

আউটসোর্সিং কাজ করে আয় করার ওপর প্রশিক্ষণভিত্তিক এই ধারাবাহিক লেখার দ্বিতীয় পর্বে শিখব কীভাবে আর্টিকল/ই-বুক লিখে বিক্রি করে বেশি থেকে বেশি আয় করা যায়। ধরুন, আপনি ১০টি প্রফেশনাল আর্টিকল/ই-বুক লিখেছেন।

একটি আর্টিকল/ই-বুক বিক্রি হয় ৭ টাকায়। সুতরাং ১০০০ কপি বিক্রি হলে আপনি পাবেন ৭০০০ হাজার টাকা। এরকম আপনার প্রত্যেকটি আর্টিকল/ই-বুক যদি ১০০০ কপি করে বিক্রি হয় তবে আপনার আর্টিকল/ই-বুক বিক্রি হবে ১০০০০ কপি, আর আপনার আয় হবে ১০,০০০ কপি গুণ ৭ ডলার = ৭০ হাজার ডলার অর্থাৎ ৫৬ লাখ টাকা। আমরা সবাই জানি টাকা আয় করতে হয় দক্ষতা ও নিরলসভাবে কাজ করে।

এখনে একটি আনুমানিক হিসাব দেয়া হয়েছে। এখন আপনার ওপর নির্ভর করবে আপনি ৫৬ মাসে নাকি ৫৬ বছরে টাকাটি আয় করতে চেষ্টা করবেন। আর্টিকল/ই-বুক লিখে আয় করতে গেলে আপনাকে বড় কোনো ডিগ্রিধারী হতে হবে এমন নয়। নিজের প্রচেষ্টায় ইংরেজি শিখতে হবে এবং ইংরেজিতে লেখা গল্প, উপন্যাস, দর্শন, বিজ্ঞান, ব্যবসায় ইত্যাদি পড়তে হবে। এবার জানতে হবে আপনার লেখা আর্টিকল/ই-বুকগুলোর কী কী গুণাবলী থাকতে হবে।

এমন একটি বিষয়ে লিখতে হবে, যা মানুষের জন্য প্রয়োজনীয় এবং প্রচুর চাহিদা আছে; এমন একটি বিষয়ে লিখতে হবে, যে বিষয়টি ভালো জানেন এবং আপনার ভালো লাগে। ভালো লাগলে আপনি ভালো লিখবেন; আর্টিকল/ই-বুকটি হতে হবে বিস্তারিত; আর্টিকল/ই-বুকটি হতে হবে সমাধানে পরিপূর্ণ; আর্টিকল/ই-বুকটি হতে হবে সহজে বোঝা যায় এমন; শুরু থেকে শেষ পর্যন্ত সামঞ্জস্যপূর্ণ; প্রতিটি প্যারা হতে হবে আকর্ষণীয়, যাতে পাঠক আপনার আর্টিকল/ই-বুকটি শেষ পর্যন্ত পড়ে এবং সর্বোপরি আপনার আর্টিকল/ই-বুকটি যেন হয় কার্যকর।



চিত্র-০১

ব্রাউজারের প্লাগইনস দিয়েও পড়া যায়।

ই-বুক ফরম্যাট

EPUB : সবচেয়ে বেশি ব্যবহার হওয়া ই-বুক ফরম্যাট।

KF8 ও AZW : এই ই-বুক ফরম্যাট বেশি ব্যবহার হয় অ্যামাজন কিণ্ডল রিডার।

BBeB : এই ই-বুক ফরম্যাটটি হলো সনি কর্পোরেশনের। এর এক্সটেনশন হলো .lrf এবং .lrx। সনি কর্পোরেশন এখন EPUB-এ কনভার্ট হচ্ছে।



চিত্র-০২

PDF : এই ই-বুক ফরম্যাটটি তৈরি করেছে অ্যাডোবি সিস্টেম সফটওয়্যার কোম্পানির। পিডিএফ বা পোর্টেবল ডকুমেন্ট ফরম্যাট বহুল ব্যবহার হওয়া ই-বুক ফরম্যাট। বহুসংখ্যক ডিভাইস ও ফ্রি সফটওয়্যার দিয়ে এই পিডিএফ ফরম্যাটে ই-বুক পড়া যায়।

ODF : ওপেন ডকুমেন্ট ফরম্যাট। এটি xml-based ফাইল ফরম্যাট। মাইক্রোসফট অফিসের বিকল্প, কার্যকর ও বিনামূল্যে প্রাপ্ত সফটওয়্যার হলো ওপেন অফিস। এই ওপেন অফিসের ফাইল ফরম্যাট হলো ODF।

MOBI : এই ফরম্যাটের ফাইল MobiPocket's রিডিং সফটওয়্যার দিয়ে পড়া যায়। অন্যান্য থার্ড পার্টি রিডার যেমন : Stanza, FBReader, পিসি ও ম্যাকের জন্য কিণ্ডল এবং STDU দিয়ে .MOBI ফাইল ফরম্যাট ওপেন করা যায়।

ই-বুক কী?

ই-বুক হচ্ছে 'ইলেকট্রনিক বুক'। এটি ইন্টারনেট থেকে ডাউনলোড করা যায়, যা বিভিন্ন উদ্ভাবিত ই-রিডার দিয়ে পড়া যায়। এই বই বিভিন্ন ইলেকট্রনিক ডিভাইসে যেমন- আইপ্যাড, আইফোন, ম্যাক কমপিউটার অ্যামাজন কিণ্ডল সব ডেস্কটপ ও ল্যাপটপে পড়া যায়। ই-বুক বিভিন্ন

ইন্টারনেটে আয়ের

অনেক পথ

পর্ব-২

ইঞ্জিনিয়ার নাহিদ মিথুন



চিত্র-০৩

কোথায় আর্টিকল/ই-বুক বিক্রি করবেন

আর্টিকল/ই-বুক বিক্রি করার জন্য অনেক জায়গা রয়েছে। প্রথমে বেছে নেয়া যাক www.lulu.com। lulu.com-এ ই-বুকটি আপলোড করলেই তা প্রস্তুত হয়ে যাবে পৃথিবীর বিভিন্ন নামিদামি অনলাইন স্টোরে বিক্রি হওয়ার জন্য।

এখন lulu.com-এ আপনার ই-বুক বিক্রি করার জন্য কিছু প্রস্তুতি শুরু করা যাক।

কীভাবে বইটি লিখবেন

lulu.com-এ বই বিক্রি করতে হলে আপনাকে বইটি লিখতে হবে ওপেন অফিস বা এমএস ওয়ার্ডে। আর ফাইলটি সেভ করতে হবে .doc বা .docx-এ। lulu.com আপনার আর্টিকল/ই-বুকটিকে EPUB বা PDF-এ রূপান্তর করে নেবে।

ই-বুক/আর্টিকল কপিরাইট আরোপ করার ডিভাইস

* আপনি নিজে আইএসবিএন (ইন্টারন্যাশনাল স্ট্যান্ডার্ড বুক নাম্বার) কিনে নিতে পারেন।

* lulu.com-এর থেকে আইএসবিএন কিনতে পারেন।

* lulu.com-এর থেকে বিনামূল্যে আইএসবিএন নিতে পারেন।

এখন আইএসবিএন সংযুক্ত আর্টিকল/ই-বুকটি lulu.com-এর কারিগরি টিম রিভিউ করবে, যাতে বড় বড় অনলাইন মার্কেটপ্লেসে আপনার আর্টিকল/ই-বুকটি গ্রহণযোগ্যতা পায়।

টেকনিক্যাল দিকগুলোর মধ্যে ফাইলের আকার, শিরোনাম, বর্ণনার ধরন, ক্যাটাগরিকরণ, ছবির মান ও কনটেন্টের ছকের ফাংশনালিটিগুলো দেখবে। কোনো সমস্যা থাকলে আপনাকে ই-মেলের মাধ্যমে জানাবে; আপনি সেগুলো ঠিক করে আবার সাবমিট করবেন।

আপনার আর্টিকল/ই-বুক লেখার সময় সতর্কতার সাথে বানান ভুল, ক্রিয়া, শব্দ ইত্যাদি চেক করবেন। সব ডিভাইস ও সফটওয়্যারে যাতে আপনার আর্টিকল/ই-বুকটি পড়তে পারে সেজন্য ফরম্যাটকে সহজ ও



চিত্র-০৪

সিম্পল করতে হবে।

* কম ফরম্যাট করা আর্টিকল/ই-বুক সব ডিভাইস ও সফটওয়্যারে সুন্দর দেখায়।

আপনার এমএস ওয়ার্ডের সেটিং ঠিক করা

এসএস ওয়ার্ড সেটিং যথাযথ কনফিগার করার জন্য নিচের ধাপগুলো অনুসরণ করুন। নিচের সেটিংগুলো এমএস ওয়ার্ড ২০০৭ ও পরবর্তী ভার্সনকে অনুসরণ করে করা হয়েছে।

* প্রথমে আপনার আর্টিকল/ই-বুকের কপি সেভ করুন। আপনার আর্টিকল/ই-বুকের একটি নাম দিয়ে সেভ করুন।

* এবার ছবিটি লক্ষ করুন।

ভিউ ফরম্যাটিং মার্কস

নন-প্রিন্টিং ক্যারেক্টারগুলো দেখার জন্য Click > Paragraph (or Pilerow) button চাপুন।

যখন প্যারাগ্রাফ বাটনটি ক্লিক করলে সহজেই দেখতে পারবেন Direct dig\ vUtting issues, যেমন extra tabs, spaces, and incorrect paragraph spacing। এগুলো মুছে দিন।

Track Changes বন্ধ করুন

Go to Review > Track Changes and set to Off.

যদি আগের পরিবর্তন কমেট আপনার ডকুমেন্ট প্রদর্শন করে, তখন edits গ্রহণ করে Markup মোড থেকে Final মোডে যান।

Do Not Let Word "Fix It For You"

অটোকারেক্ট ও অটো ফরম্যাট ফিচার বন্ধ করতে হবে।

অটোকারেক্ট বন্ধ করার জন্য

* টুলবারে মাইক্রোসফট অফিস বাটন অথবা ফাইল বাটন-এ ক্লিক করে অপশন সিলেক্ট করুন।

* Word Options Box, Select Proofing এবং AutoCorrect Options বাটনে ক্লিক করুন।

Options > Proofing > AutoCorrect Button Location.

* অটো ফরম্যাট ট্যাব সিলেক্ট করে all options under apply ডিসিলেক্ট করুন।

* Click the Auto ফরম্যাট As You Type tab and deselect all options except Replace as you type.

আরও কিছু বিষয় মানতে হবে। যেমন : ফন্ট হিসেবে Times New Roman নিতে হবে, বুলেট বা নামারিং ব্যবহার করবেন না; পৃষ্ঠা নম্বর ব্যবহার করবেন না; টেক্সট অ্যালাইনমেন্ট রাখবেন বামে; শুধু প্রথম লাইন ইনডেন্ট বা ট্যাব দিয়ে প্যারা আলাদা করবেন; এক্সট্রা স্পেস বা এন্টার দিয়ে স্পেস বাড়াবেন না; হেডার ও ফুটার যোগ করবেন না; কোনো বিশেষ ফরম্যাটিং ব্যবহার করা যাবে না; উঁচু মানের RGB ছবি ব্যবহার করতে হবে, CMYK ছবি ব্যবহার করা যাবে না; ছবির আকার ২৫০ কিলোবাইটের মধ্যে থাকতে হবে এবং ছবির ডাইমেনশন ২০ লাখ পিক্সেলের বেশি হওয়া যাবে না; কনটেন্টে ছক থাকা যাবে না, কারণ lulu.com ই-বুকের ফরম্যাট কনভারশনের সময় বুক ইনডেক্স বা কনটেন্ট ছক তৈরি করে নেবে; চার্ট, কোড, টেক্সট বক্স, বৈজ্ঞানিক ফর্মুলা, সমীকরণ ইত্যাদি সরাসরি ব্যবহার করা যাবে না। এগুলোকে জেপিইজি ছবি আকারে ইনসার্ট করতে হবে।

আর্টিকল/ই-বুকে শুধু যে ফরম্যাটগুলো ব্যবহার করবেন তা হলো : Heading 1, Heading 2, Heading 3, Normal text, Text coloring ও Inline ফরম্যাটিং : First level Bullet, italic, bold, first level numbering not second level.

যেভাবে lulu.com-এর মতো করে ই-বুক সাজাবেন

নিচের নিয়মগুলো মেনে চললে lulu.com-এর EPUB কনভার্টার আপনার ই-বুককে EPUB-এ কনভার্ট করার সময় ইউজার ফ্রেন্ডলি কনটেন্ট টেবল তৈরি করে নেবে এবং কোনো ভুল পাবে না।

Lulu.com-এর কনভার্টার ই-বুক কনভার্ট করার সময় Heading 1, Heading 2, Heading 3-কে কনটেন্ট টেবলের ইনডেক্সিংয়ে ব্যবহার করে নরমাল টেক্সটকে বইয়ের মূল বর্ণনা হিসেবে নেয়।

Heading 1 : lulu.com-এর Converter Heading 1-কে বইয়ের উক্ত অংশের পেজের মূল টাইটেল বা হেডিং বা মূল অংশ হিসেবে নেবে এবং Heading 1-এর শব্দগুলোকে কনটেন্ট টেবলে যোগ করবে এবং পাঠক কনটেন্ট টেবলের ওই শব্দে ক্লিক করলেই বইয়ের নির্দিষ্ট পেজে পৌঁছে যাবে।

Heading 2 : lulu.com-এর Converter Heading 2-কে বইয়ের ওই অংশের মূল চ্যাপ্টার হিসেবে নেবে এবং Heading 2-এর শব্দগুলোকে কনটেন্ট টেবলে যোগ করবে এবং পাঠক কনটেন্ট টেবলের ওই শব্দে ক্লিক করলেই বইয়ের নির্দিষ্ট চ্যাপ্টারে পৌঁছে যাবে।

Heading 3 : lulu.com-এর Converter Heading 3-কে বইয়ের মূল চ্যাপ্টারের সাব-চ্যাপ্টার বা সাব-সেকশন হিসেবে নেবে এবং Heading 3-এর শব্দগুলোকে কনটেন্ট টেবলে যোগ করবে এবং পাঠক কনটেন্ট টেবলের ওই শব্দে ক্লিক করলেই বইয়ের নির্দিষ্ট সাব-চ্যাপ্টারে পৌঁছে যাবে।

আপনার প্যারাগ্রাফ স্টাইল ঠিক করুন

একবার যদি সিদ্ধান্ত নেন, আপনার প্যারাগ্রাফটি দেখতে কেমন হবে, তখন নরমাল টেক্সটকে নরমাল টেক্সটে স্টাইলে মডিফাই করুন, যাতে এসব সেটিংয়ে আপনার প্যারাগ্রাফটি অটোমেটিক্যালি অ্যাপ্লাই হয়।

স্টাইল ঠিক করা

০১. স্টাইল মেনুতে নরমালে রাইট ক্লিক করুন; ০২. রেজাল্টিং লিস্ট থেকে মডিফাই সিলেক্ট করুন; ০৩. মডিফাই বাটনে ক্লিক করে রেজাল্টিং লিস্ট থেকে প্যারাগ্রাফ বেছে নিন; ০৪. প্যারাগ্রাফের প্রথম লাইন ইনডেন্ট করুন; ০৫. ইনডেন্টেশনের আওতায় স্পেশাল ড্রপডাউন প্রথম লাইন সিলেক্ট করুন; ০৬. আপনার পছন্দমতো ইনডেন্ট অংশ বাই ফিঙ্গে এন্টার করুন। ইনডেন্ট রাখতে হবে .২৫ থেকে .৩ ইঞ্চির মধ্যে; ০৭. স্পেসিংয়ের বেলায় বিফোর ও আফটার ফিঙ্গের মধ্যে Opt এন্টার করুন; ০৮. প্রিভিউ প্যানেল স্যাম্পল ডিসপ্লে করুন এবং ০৯. মডিফিকেশন অ্যাকসেপ্ট করতে Ok ক্লিক করুন।

ইমেজ

Blurry ইমেজ ব্যবহার করা যাবে না। lulu.com ইমেজ ফরম্যাটিং সাপোর্ট করে জেপিজি, জিআইএফ, পিএনজি ইত্যাদি।

আপনার বইয়ের ইমেজ রেজুলেশন হবে ৯৬ থেকে ১৫০ ডিপিআই এবং ইমেজ আকার হবে ৫০০ বাই ৫০০ পিক্সেল বা তারচেয়ে কম। আপনি ইমেজ রেজুলেশন ও ডিপিআই অ্যাডজাস্ট করতে পারেন যেকোনো ইমেজ এডিটিং প্রোগ্রামে।

আপনার বইয়ে ইমেজ যুক্ত করার জন্য

- * যেখানে ইমেজ দেখতে চান, সেখানে কার্সর রাখুন।
- * টুলবার থেকে Insert > Picture-এ ক্লিক করুন। ইমেজ ইনসার্ট করার ব্যাপারে নিশ্চিত হয়ে নিন।
- * সিলেক্ট করা ইমেজ কার্সর পজিশনে দেখা যাবে।
- * ইমেজে ক্লিক করে সিলেক্ট করুন ফরম্যাট ইমেজ।
- * বেছে নিন টেক্সট অপশনসহ In line অপশন।
- * ইমেজে ক্লিক করে টুলবারের Center-এ ক্লিক করুন।

Lulu.com-এ আপনাদের আর্টিকল/ই-বুক বিক্রি শুরু

প্রথমে lulu.com-এ অ্যাকাউন্ট খুলতে লগইন/রেজিস্ট্রারে ক্লিক করুন। এরপর ই-মেইল অ্যাড্রেস ও পাসওয়ার্ড দিয়ে লগইন করুন।

Make Your ই-বুকে ক্লিক করে Start an ই-বুকে ক্লিক করুন। বইয়ের টাইটেল, লেখকের নাম লিখুন ও Sell This Book রেডিও বাটন সিলেক্ট করুন।

এরপর Save & Continue-তে ক্লিক করুন। Get a Free ISBN < select করে Save & Continue-তে ক্লিক করুন। ISBN পেলে Save & Continue-তে ক্লিক করুন। বইটি আপলোড করতে ব্রাউজ বাটনে ক্লিক করে সিলেক্ট করে আপলোড বাটনে ক্লিক করুন। আপলোড হয়ে গেলে Save & Continue-তে ক্লিক করুন।

ই-বুকটি .doc থেকে EPUB ফরম্যাটে কনভার্সন শুরু হয়ে যাবে। এরপর TOC চেক করে Save & Continue-তে ক্লিক করুন।

বইয়ের Front Cover Design Select করে Save & Continue-এ ক্লিক করুন। Make Image-এ ক্লিক করুন।

বইয়ের ক্যাটাগরি সিলেক্ট করুন। একাধিক কিওয়ার্ড লিখুন কমা দিয়ে আলাদা করে, বিস্তারিত বর্ণনা লিখে ভাষা হিসেবে ইংরেজি সিলেক্ট করুন, কপিরাইট নোটিসে আপনার নাম লিখুন।

License-এ Standard Copyright License Select করুন। Edition-এ আপনার বইয়ের ভার্সন নম্বর লিখুন। Save & Continue-তে ক্লিক করুন।

এবার প্রত্যেকটি Shop সিলেক্ট করে আপনার বইয়ের দাম নির্ধারণ করুন। মনে রাখবেন, আপনার নির্ধারিত বইয়ের দাম থেকে সার্ভিস চার্জ কাটা হবে; সেই অনুযায়ী দাম নির্ধারণ করুন।

Terms & Condition Accept করে Continue-তে ক্লিক করুন। আপনার টাকা কীভাবে নেবেন তা পরে ঠিক করে Skip বাটনে ক্লিক করুন।

এখন সম্পূর্ণ বিষয়টি রিভিউ করার সুযোগ দেবে, প্রয়োজনে পরিবর্তন করুন। Save & Finish-এ ক্লিক করুন।

আপনি যদি ই-বুকের প্রিন্ট ভার্সন বিক্রি করতে চান, সে সুযোগ এখানে আছে। এখন ড্যাশ বোর্ড থেকে আপনার বিক্রি ও আয় দেখতে পারবেন।